



## UNIVERSITÀ DEGLI STUDI DI UDINE

### Dipartimento di Lingue e Letterature Straniere

#### **Il gnûf plan di formazion e di inzornament pai insegnants di lenghe furlane**

Di front ae dibisugne di formazion dai docents che a insegnin la lenghe furlane in aplicazion de L.R. 29/2007 e aes plui resintis modifichis dai ordenaments universitaris pe formazion dai insegnants, la Universitât dal Friûl e à inviât une strente colaborazion cul Assessorât regionâl e cu la ARLeF par meti adun une azion organiche e di prospettive. L'obietîf: dâ ai insegnants di lenghe furlane solidis e inzornadis cognossincis sientifichis e culturâls e une valide e articolade competence didatiche, che ju meti in grât di organizâ l'insegnament de lenghe furlane mediant di une didatiche linguistiche integrate, buine di promovi e judâ il disvilup/consolidament di une efetive competence plurilengâl e interculturâl.

Il progjet formatîf che l'Ateneu furlan al à elaborât al cjale di une bande ae necessitât di furnî un jutori culturâl e didatic ai insegnants za iscrits tal *Elenc regionâl dai insegnants cun competencis ricognossudis par l'insegnament de lenghe furlane*, di chê altre a chê di intervignî su la formazion iniziâl dai docents di scuele de infanzie e primarie e sul post lauree pai docents di scuele secondarie. In ceste seconde direzion a son in cors contats cul MIUR- Direzion de Universitât par rivâ a lis modifichis indispensabilis che a permetin di inserî i insegnaments di lenghe furlane tai curricula academics.

Par furnî fin di subit un percors formatîf che al puarti in tims avonde curts a armonizâ la preparazion dai insegnants che vuê a àn la cure dal furlan tes classis, al è stât elaborât il progjet par un Cors specializazion/inzornament di 30 CFU. La ipotesi organizzative e ten cont des proposizions dai Organisms europeans in materie di educazion plurilengâl e interculturâl, e fâs tesaur de esperience madressude tes iniziativis formativis realizadis in scuasit vincj agns dentri tal Ateneu furlan e e ten a ments i percors di formazion universitarie strutturâts pai docents des scuelis ladinis, valdostanis e di lenghe di insegnament slovene de Region Friûl Vignesie Julie. Il percors al previôt 300 oris di formazion cun lezions (90 oris), laboratoris (110 oris), didatiche tes classis e preparazion di un elaborât finâl (100 oris). Il numar di oris di lezion plui consistent al è riservât a Lenghe furlane cun esercitazioni. I laboratoris a impegnin i partecipants, dividûts in grups par ordin di scuele e vuidâts dai tutor, a disvilupâ didaticamentri in lenghe furlane argomenti dissiplinârs di quartâ tes classis. Ae fin dal Cors al ven lassât il titul previodût de normative universitarie.

Dot.e Alessandra Burelli

Delegade pe promozion de lenghe e de culture furlane

[alessandra.burelli@uniud.it](mailto:alessandra.burelli@uniud.it)

tel. 0432.556550